

Uunga siunnersuut: illuliortiternernut aningaasalersuineq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx af xx. xxx 2020 (Nutaanik inissialiornissamut taarsigassarsiarititaa taamaallaat inunnu taarsigassarsiaritinneqartassapput aammalu inissiamut ataatsimut taamaallaat taarsigassarsisinnaallutik)

Ineqarnermut Attaveqaqatigiinnermullu Naalakkersuisumit siunnersuutigineqartoq

Pillugu

Sanaartornermut ataatsimiititaliap

ILASSUTITUT ISUMALIUTISSIISUTAA

Siunnersuutip aappassaanneerreqarnerani tunniunneqartoq

Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Justus Hansen, Demokraatit, siulittaasoq
Inatsisartunut ilaasortaq Aqqaluaq B. Egede, Inuit Ataqtigii, siulittaasup tullia
Inatsisartunut ilaasortaq, Erik Jensen Siumut
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Pele Broberg, Partii Naleraq

Siunnersuut aappassaaneerlugu oqaluuserineqarnerani 25. nov 2020 ataatsimiititaliamut suliareqqitassanngorlugu utertinneqarpoq. Ilassutissatut isumaliutissiissutit suliarineqarnerani aalajangiiffigisassatut tunngaviliunneqartunut paasissutissanik allanik ataatsimiititaliap pissarsisimangilaq. Siunnersuutip aappassaannik aamma pingajussaannik suliarineqarnerisa akornani piffissap sivikippallaarnera tunngavigalugu ilassutissatut isumaliutissiissutit tunniunneqarnissaanut piffissaq eqqortinneqarsimangilaq.

1. Ataatsimiititaliap inassuteqaataa

Ataatsimiititaliami amerlanerussuteqartut Siumut aamma Demokraatit siunnersuutip pingajussaaneerreqarnissaanut siunnersuut taamatut isikkoqartillugu akuerissutigineqarnissaa inassutigaat.

Ataatsimiititaliami ikinnerussuteqartut Inuit Ataqtigii aamma Partii Naleraq siunnersuutip pingajussaaneerreqarnissaanut siunnersuut taamatut isikkoqartillugu itigartinneqarnissaa inassutigaat.

Inuit Ataqtigii aamma Parti Naleraq ikinnerussuteqarlutik oqaaseqaataat:

Inatsisissatut siunnersuummi matumani inuit akissaatikinnerpaat ineqarnikkut akinik atugassarititamikkut qanoq eqqorneqarnissaat pillugu qulaajaasoqanngilaq. Naalakkersuisut oqaatigaat ineqarnermut akit qaffannissaat siunertaralugu suliaq ingerlatereerlugu inaarsarneqassasoq. Ininik inissianillu niuernikkut akit sanaartornermullu akit qaffarujussuarput, taamaalilluni isertitakinnerit ineqarnermut akitigut pitsaanngitsumik eqqorneqarsinnaanerit periarfissagissaartoq qulaajarneqanngilaq.


Mittarfinnik sanaartorneq, aatsitassarsiorfiillu pilersinneqartussat inissianik niueruteqarnikkut aammalu sanaartortitsinermit akitigut assut qaffariartitsivoq. Inissiallu niuerutigineqarsinnaasut ikilippata aamma tamanna niuernikkut akit qaffannissaat naatsorsuutigineqarluni. Tamanna ilaqutariit meerartallit inissaqarniarnikkut kiisalu ininik attartornermit akitigut pitsaanngitsumik eqqorneqaatigissagaat siulittuutigineqarpoq.

Siunnersuut inuiaqatigiinnut ataatsimut sunniutissai pillugit ataatsimiititaliami qulaajaaniarnerput amerlanerussuteqartut piumanngilaat. Suliffeqarfinnut sanaartortunut sunniutissai pillugit ernumanartinneqartut pillugit qulaajaanissaq amerlanerussuteqartut itigartippaat. Sanaartortut suliffeqarfiit sulisartoqarnikkut, ilinniartoqassatsikkut aammalu inissaaleqisunut sunniutissat pillugit amerlanerussuteqartut misissuilluni qulaajaanissaq itigartippaat.

Inuiaqatigiinni inuit isertitakitsut akunnattumillu isertitallit eqqorneqartussat inuuniarnikkut eqqornerlunneqarnissaat pinngitsoortinniarlugu misissuiniarnerput Demokraatit Siumullu itigartippaat. Taamaammat inatsisissaq una eqquinerlussinnaasoq ataatsimiititaliami misissuiffigineqanngilaq tamakkiisumik.

Taamatut oqaaseqarluta Inuit Ataqtigiit aamma Partii Naleraq siunnersuut itigartinneqassasoq inassutigaarput.


Taama oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliamit pingajussaanniigassanngortinneqarpoq.




Justus Hansen
Siulittaasoq




Aqqaluaq B. Egede
Siulittaasup tullia



Erik Jensen



Nikkulaat Jeremiassen



Pele Broberg